



Februari 2021-mi Nunalerineq pillugu Siunnersuisoqatigiinniit akuerineqarpoq
Nunalerineq pillugu Siunnersuisoqatigiit Suleriaasissaat
Nunalerineq pillugu Inatsisartut inatsisaata § 14-a allanngortinneqarnera pillugu
Inatsisartut inatsisaat nr. 21, 22. november 2011-meersoq
innersuussutigineqarpoq.

§ 1. Ilaasortat taaseqataasinnaanatililu ataatsimeeqataasartut

1.1. Soqutigisaqatigiit oqartussaasullu makku Nunalerineq pillugu
Siunnersuisoqatigiinni ilaasortaataqarput:

Siulittaasoq Naalakkersuisunit toqqarneqarsimasoq
Pinngortitaleriffik
Savaatillit Peqatigiit Suleqatigiissut SPS
Kommune Kujalleq
Nunalerinermik Siunnersorteqarfik
Neqi A/S
Kalaallit Nunaanni Uumasunut Nakorsaqaarnermut
Inuussutissalerinermullu Oqartussaqaarfik (UNIO)

15-02-2021
Suliap normua: 2021-7
All. nr.: 12604675

Postboks 269
3900 Nuuk
Oqarasuaat (+299) 34 50 00
Fax (+299) 34 63 55
E-mail: pan@nanog.gl
www.naalakkersuisut.gl

1.2. Ilaasortaataqartut tamarmik ilaasortassanik aqqi taallugit ima
amerlassusilinnik toqqaasapput:

Ilaasortat marluk SPS-ip toqqagai
Ilaasortaq ataaseq Pinngortitaleriffiup toqqagaa
Ilaasortat marluk Kommune Kujalliup toqqagai
Ilaasortaq ataaseq Nunalerinermik Siunnersorteqarfiup toqqagaa
Ilaasortaq ataaseq Neqi A/S-ip toqqagaa
Ilaasortaq ataaseq UNIO-p toqqagaa

Ilaasortaataqartut tamarmik sinniisussamik aqqa taallugu toqqaasapput,
taannalu ilaasortaataqartut toqqarsimasaasa ataatsimiinnermi
peqataasinnaatinngit ataatsimiinnermi peqataatinneqartassapput.

1.3. Susassaqaqatigiit oqartussallu makku Nunalerineq pillugu
Siunnersuisoqatigiinni aalajangersimasumik taaseqataasinnaanatik
ataatsimiinnermi peqataatitsisarput:

SPS allaffeqarfik
Nunalerinermik Siunnersorteqarfik
Nunalerinermik Ilinniarfik Inuili Food College aallaavigalugu
Upernaviarsummi naatitsivik
Nunalerinermut Naalakkersuisoqarfik
Aalisarnermut, Piniarnermut Nunalerinermullu Naalakkersuisoqarfik
(APNN)
Kommuneqarfik Sermersooq

- 1.4. Siunnersuisoqatigiit siulittaasuat pisariaqartutut nalilerneqartillugu apeqqutit eqqartorneqartussat aallaavigalugit immikkut ilisimasalinnik inunnik ataasiakkaanik suliffeqarfimmeersumilluunniit taaseqataasinnaanatik ataatsimeeqataasartussanik ilaasortannqortitsisinnaavoq.
- 1.5. Siunnersuisoqatigiinni aallartitassat Inatsisartuni qinersisoqareernerata kingorna § 1.2 naapertorlugu toqqarneqartassapput. Taamaattorli kommunit aallartitaat eqqarsaatigalugit kommunini piffissat qinigaaffiusartut aammalu SPS-imut tunngatillugu piffissat qinigaaffiusartut malinneqartussaapput. Toqqagaaqqittoqarsinnaavoq.

§ 2 Inissitsiterneq

- 2.1. Inatsisartut inatsisaanni nr. 15, 19. november 2007-imeersumi § 14a naapertorlugu Nunalerineq pillugu Siunnersuisoqatigiinni siulittaasoq Aalisarnermut, Piniarnermut Nunalerinermullu Naalakkersuisumit toqqarneqartarpoq. imm. 1.
- 2.2. Savaatillit Peqatigiit Suleqatigiissut Siulittaasuat Nunalerineq pillugu Siunnersuisoqatigiinni siulittaasup tulliatut inissisimasussaariissaaq.
- 2.3. Siunnersuisoqatigiit allaffissornikkut sullinneqarnera ataatsimut allaffeqarfimmit ingerlanneqarpoq tassalu Nunalerinermut Naalakkersuisoqarfik Nunalerinermullu Siunnersorteqarfimmit. Nunalerinermut Naalakkersuisoqarfimmi Nunalerinermut immikkoortortaqarfimmi pisortaq siunnersuisoqatigiinni allattaavoq. Siunnersuisoqatigiit allatsimit sullinneqartussaattillugit siunnersuisoqatigiillu allattaat peqataasinnaatinagu atorfilik alla allattuusussanngorlugu Nunalerinermut Naalakkersuisoqarfik toqqaassaaq.
- 2.4. Siulittaasup siunnersuisoqatigiit ataatsimiinneri aqussavai.
- 2.5. Siulittaasup pisinnaannginnerani taassuma piginnaatitaaffii pisussaaffiilu siulittaasup tullianit isumagineqartassapput.
- 2.6. Ulluinnarni aqutsisussatut ataatsimiititaliamik pilersitsisoqassaaq siulittaasumit, tullianit kiisalu Nunalerineq pillugu Siunnersuisoqatigiinni ilaasortaasunit marlunnit inuttaqartinneqartumik.
- 2.7. Nunalerineq pillugu Siunnersuisoqatigiit ilaasortaminit ilaasortaqartinneqartussanik allanik ataatsimiititaliorsinnaapput suliassanik aalajangersimasunik piareersaasiormi peqataasartussanik aammalu Nunalerineq pillugu Siunnersuisoqatigiinnut inassuteqartartussanik kiisalu suliassat eqqortumik sularineqartarnissaanik nakkutilliisartussanik.
- 2.8. Nunalerinermut Naalakkersuisoqarfik immikkut piginnaatitsineratigut ulluinnarni aqutsisutut aammalu ataatsimiititaliani allani suliassat

Siunnersuisoqatigiit allaffeqarfianit
isumagineqartussanngortinneqarsinnaapput.

§ 3 Suliassat

- 3.1. Nunalerineq pillugu Siunnersuisoqatigiit suliassai ”Nunalerineq pillugu Siunnersuisoqatigiit tunngaviusumik suliassaani ” allassimapput.
- 3.2. Nunalerineq pillugu Siunnersuisoqatigiit ulluinnarni aqutsisui Nunalerineq pillugu Siunnersuisoqatigiit piffissami qinigaaffimminni ataatsimiittarfissai pillugit aalajangersaasinnaapput.
- 3.3. Nunalerineq pillugu Siunnersuisoqatigiit ulluinnarni aqutsisui siunnersuisoqatigiit ataatsimiittarfissai pillugit inassuteqassapput taannalu Siunnersuisoqatigiinitt akuerineqartussanngorlugu saqqummiunneqassaaq.
- 3.4. Suliassat kinguartinneqarsinnaanngitsut pillugit Siunnersuisoqatigiit sinnerlugit Nunalerineq pillugu Siunnersuisoqatigiit oqaaseqaateqarlutillu inassuteqarsinnaatitaapput.

§ 4. Ataatsimiigiaqqusinerit

- 4.1. Siulittaasoq tamanna pisariaqartutut nalilernerqartillugu ataatsimiigiaqqusisnaavoq, taamaattorli minnerpaamik ukiumut ataasiarluni ataatsimiigiaqqusisartussaavoq makku oqaluuserisassanngortillugit.
 1. Oqaluuserisassat akuerineqarnissaat
 2. Siunnersuisoqatigiit kingullermik ataatsimiinnerannit imaqarniliap akuersissutigineqarnera
 3. Siulittaasumit ulluinnarnilu aqutsisunit nalunaarut
 4. Ilaasortanit nalunaarutit
 5. Nunalerinermut Naalakkersuisoqarfimmit ilisimatitsissutit
 6. Siunnersuutit takkuttut oqallisigineqarnerat suliarineqarnerallu
 7. Tamanut oqaaseqaateqarsinnaaneq
 8. Siunnersuisoqatigiit tullianik ataatsimiinnissaata aalajangerneqarnera
 9. Taasariaqartut allat
- 4.1.1. siunnersuisooqatigitt siulittaasussamik toqqaareernerata kigorna makkua ullormut oqaluuserisassanut immikkoortoq 3-mut ilanngunneqassapput.
 3. siulittasup, ulluinnarnilu aqutsisut nalunaarutaat
 - a) siulittasup tullisaanik qinersineq
 - b) ulluinnarni aqutsisussanik pilersitsineq
 - c) misileraanermi ataatsimiisitaliamik pilersitsineq
- 4.2. Ilaasortat minnerpaamik affaasa pisariaqartutut nalilerpassuk siulittaasoq ataatsimiigiaqqusissaaq.

- 4.3. Siunnersuisoqatigiinnut ataatsimiigiaqqusisoqartassaaq sapinngisamik sivikinnerpaamik qaammat ataaseq sioqqullugu.
- 4.4. Ataatsimiinnissanut siunnersuutit tiguneqartut siunnersuisoqatigiit allaffeqarfianut minnerpaamik ullut 21-it sioqqutsilluni nalunaarutigineqartassapput.
- 4.5. Siulittaasup ilaasortallu nalunaarutaat siunnersuisoqatigiit allaffeqarfiannut ataatsimiinnissap aallartinnissaa sioqqullugu ullut 21-it nassiunneqassapput.
- 4.6. Ataatsimiinnissani oqaluuserisassaviit siunnersuutaajunnartullu ataatsimiinnissaq ullunik 7-inik sioqqullugu ataatsimeeqataasussanut nassiunneqartassapput.
- 4.7. Atortussat naqitat Siunnersuisoqatigiit ataatsimiinneranni atugassat tamarmik kalaallisut danskisullu allassimassapput.
 - a. Oqaluuserisassatut siunnersuutit piffissaagallartillugu nassiunneqasimasut, allattoqarfiup nutserneqarnissaat isumagissavai.
 - b. Oqaluuserisassatut siunnersuutit, ataatsimiinnissamut nassatat, siunnersuuteqartup marloriinnik oqaaseqartaqarnissaa nammineq isumagissavai.
- 4.8. Siunnersuisoqatigiit ataatsimiinneranni oqalutseqarnissaq Siunnersuisoqatigiinni sinniisuutitap ataasiinnaalluunniit piumasarippagu oqalutseqartoqassaaq. Taamatut piumasaqarneq siunnersuisoqatigiit allaffeqarfianut ataatsimiinnissaq minnerpaamik sapaatit akunneri pingasut sioqqullugu nalunaarutigineqartassaaq.
- 4.9. Siulittaasumit pisariaqartutut nalilerneqartillugu Siunnersuisoqatigiit ulluinnarni aqutsisui ataatsimiigiaqquneqartassapput, taamaattorli ukiumut minnerpaamik pingasoriarlutik ataatsimiittartussaallutik.
- 4.10. Siunnersuisoqatigiit ulluinnarni aqutsisui ataatsimiigiaqquneqartassapput sapinngisamik minnerpaamik ulluni 10-ni sioqqutsilluni.

§ 5 Aalajangiisinnaassuseqarneq

- 5.1. Nunalerineq pillugu Siunnersuisoqatigiinni ilaasortat Siunnersuisoqatigiinni sinniisuutitamik amerlaqataannik taasisinnaatitaapput.
 - a. Taasinerit amerlaqatigiinnerini Siulittaasup taasinera aalajangiisuusaaq.
- 5.2. Ataatsimeeqataasartut taasisinnaatitaanngillat.

- 5.3. Siunnersuisoqatigiit ajornanngippat isumaqatigiillutik oqaaseqaateqartassapput. Isumaqatigiittoqarsinnaatinnagu oqaaseqaat ikinnerussuteqartut oqaaseqaatigiunnagaanik ilaqartinneqartassaaq. Siunnersuisoqatigiinni ilaasortat sinnerlugit siulittaasup oqaaseqaateqartarnissaanut immikkut piginnaatitsissummik siulittaasoq ilaasortanit tunineqartarsinnaavoq.
- 5.4. Aalisarnermut, Piniarnermut Nunalerinermullu Naalakkersuisumit oqaaseqaataani allanneqartassaaq ilaasortat sorliit oqaaseqaatip Siunnersuisoqatigiinni suliarineqarnerani najuussimanersut aammalu oqaaseqaat sumi suliarineqarsimanersaq.
- 5.5. Suliassaq Siunnersuisoqatigiit suliassaatus ilaasortanit amerlanerussuteqartunit isigineqartinnagu suliassap suliarineqarnissaa itigartitsissutigineqarsinnaavoq.
- 5.6. Ilaasortat minnerpaamik pingajorarterutaat ($\frac{3}{4}$) ataatsimiinnermi peqataanngippata akuerisassat pillugit taasisitsisoqarsinnaanngilaq, oqaaseqaateqartoqarsinnaanngilaq aalajangiisoqarsinnaannanilu. Akuersissuteqarneq nalinginnaasumik amerlanerussuteqarneq naapertorlugu pisassaaq.
- 5.7. Suleriaatsit taakkulu allannortinneqarneri Siunnersuisoqatigiinnit akuerineqartassapput. Akuersissuteqarneq ilaasortat pingajorarterutaasa isumaqataallutik taasinerisigut pisassaaq. Tamatumalu kingorna suleriaaseq Naalakkersuisunit akuerineqassaaq.

§ 6 Aningaasaqarneq

- 6.1. Siunnersuisoqatigiit sulineranut atatillugu aningaasartuutit Nunalerinermut Naalakkersuisoqarfiup ingerlatsinermut kontoanit tiguneqartassapput. Tassungaa ilaapput init ataatsimiiffissat, Siunnersuisooqatigiillu siulittaasuanut ataatsimiinnermi nerisaqartitsineq, angalanermut aningaasartuutit dagpengellu. Siunnersuisooqatigiinni ilaasortat sinnerisa ataatsimiinnermi peqataanerminni anginaasartuutit namminneq nammassavaat.
- 6.2. Nunalerinermut Naalakkersuisoqarfimmi Nunalerinermut immikkoortoqarfiup pisortaata ataatsimiinnissanut aningaasartuutaajumaartussat missingersuusiorderisa naatsorsuusiorderisalu suliarineqarnissaat akisusassaaffigaa. Allaffissornertaalu Nunalerinermut Naalakkersuisoqarfimmit ingerlanneqassaaq.
- 6.3. APNN akissarsiaqaatiginagu allattuussapput.

Nunalerineq pillugu Siunnersuisoqatigiit 15. februari 2021 Qaqortumi 46-
ssaanik ataatsimiinnera

Naalakkersuisut sinnerlugit:

Nunalerinermi siunnersuisoqatigiit:

Kalistat Lund

Natuk Lund Olsen

_____, den __ ____ 2021

_____, den _____ 2021